

شواهد واقعة الطف

شواهد واقعة الطف

لناظمه

العلامة أبو الفرج الشيخ علي الشيخ منصور المرحون

بِسْمِ اللَّهِ الرَّحْمَنِ الرَّحِيمِ

مجلس الوليد ووداع الحسين لجده

الوليد اتلگى أمر الرجس طاغوت الزمن

ياخذ البيعه من احسين الإمام المؤمن

ابليل أرسل للإمام ايريد ياخذ بيعته

جاء الحسين او بنينه مدرعين اوي اخوته

دخل وحده اعليه وشاف الرجس يبرى الطلعتة

غال له بايع يزيد او كون لامره مطمئن

ما ابايع قال له والصوت منه مرتفع

هجمت على الدار عشره او تسعه احصون المنع

اشبول حيدر والصوارم بيدها تحمي الجمع

وينها يوم الدعاها بالطفوف المؤمن

شافهم كلهم ضحايا والرؤوس مكطعه

والاعضا وسفه من اسيوف الكوم كلها موزعه

او تالي أمره انذبح ظامي او ضل ماحد شيعه

غير خيل الأعوجيه رضضت منه البدن

وداع الحسين لجده

احسين من أعداه خايف أصبح او عزمه يشيل
من أرض طيبه المكه أو أمر أهله بالرحيل
ودع الجده او عضيده او أمه او دمعہ جرا
اويك يا جدي دخذني في الكبر تحت الثرا
جاوبه جده حبيبي إنت يا خير الورى
ابكر بلا تنذبح ظامي الأمر هذا من الجليل
اوصبح احسين او تهىء باهل بيته للسفر
او هيئوا الموكب بهيئه مارآها كل بشر
ما مشت مثله ملوك الزمن من بدو او حضر
او طلع من طيبه او خلاها ابحسرات او عويل
او جا المكه او نزل بيها وخصبت منها الفلا
كعبة الوفاد بيها صار من دون الملا
أبو اليمه شانه هذا حتى في طف كربلا
حتى آخر نفس منه والدماء منه تسيل

خروج الحسين من مكة

ونزوله كربلا

يوم ثامن أبو اليمه طلع والحج ماکمل

تنهتک حرمة الکعبه خاف ابن خير العمل

طلع باهله اوکل بنیه ایسير یقصد کربلا

یسرع ابسیره ظعنهم یقطع احزون الفلا

حتى جاها اونزل بیها او طنّب اخيام العلي

من بعد ما نشد عنها او عن محانيها سئل

ذي أرضنا حطوا بیها گال ابونا يا كرام

ینسفک دمنّا ابهذي بالسيف او بالسهم

او یهجموا بهذي على اعيالي ويحرگوا للخيام

ایفرهدوها ابها البراري اولاً لها ییگی أمل

او کاني ابهذي أشوف السوط بمتون الاطفال

والنسا عنها تدافع یرد بمتون العيال

او سلبوا منها حليها او بگت مالها رجال

غير ابو اليمه علیل او غلوا ايده على الجمل

نزول العساكر بکربلا

من نزل سبط النبوه او بنى اخيامه ابکربلا
نزلت العسكر عليه اسبول سدت لل فلا
او حین نزلت سدت ابرایاتها افگ السما
والأرض بالخیل سدتها على ابن حامی الحمه
اسیوف ورماح او نبال احجار کلها معلمه
اتلممت کلها یویلی علی احسینا بکربلا
او زینب الحورا ابخدرها سمعت اصوات الرجال
جت الى خوفا تنشده والدمع علی الخد سال
خویه هذا الجیش لینا لو علینا اظهر الحال
گال یا زینب علینا والمدامع سایلہ
جاوبت ردنا المدينه یا عزیزي گبل حین
گال لیها عگب عینی بالظعن کله تجین
سال دمع العین او صاحت آه یا خویه حسین
تنذبح ظامي او تبگی اجنازه ویلی امعطله

مسلم بن عقيل

والبطل مسلم اجا الكوفه ابأمر خير الورى
ياخذ البيعه من اهلها او بالعلوم ايخبره
بايعت كلها المسلم واذعنت لامر الحسين
لكن انكلبوا عليه بس جاهم الرجس اللعين
عنه اتفرگوا كلهم او ضل وحده بلا معين
غير طوعه غائته والدمع من عينه جرا
صبح اولن العدى بسيوف وانبال او حراب
عليه هجمت واستعد الها او گلبه ما يهاب
روسهم بالسيف يحصد صارمه گطعة عذاب
ويل گلبى والكبد منه ابعطشها امفطره
اعطوه امان امن اعجزوا عن حربہ أولاد الغدر
بيه غدروا عليه التمو بالرماح او بالسمر
والگصر جابوه اسير امكتف او دمه ايحدر
وامر ابراسه يگطعونہ او جسمه بالعرا

هاني بن عروه

سيد اهل كوفان كلها هاني بن عروه النفل
حامي اذمام العروبه كفوا او نعمين البطل
الله يايومه فجيعة على المعالي والفخر
بالهظيمه انذبح ظامي والدمع منه انحدر
احبال في رجله اوجسمه يسحبوه اهل الغدر
اجنازته ضلت رمية ما حصل ليها غسل
وانضرب بالسيف راسه آه في سوگ الغنم
يتتخي وين العشيره وين أرباب الكرم
وين مدحج ما تجيني تشوف حالي بالهظم
وانذبح ظامي يوسفه اومات شيال الحمل
آه ياهاني بن عروه ما إلك فيها نصير
يدفع العدوان عنك لا يضل جسمك عفير
وين أهل الزود راحوا ما يغيثوا للأسير
كافل اذمام العروبه ابكل گول او كل فعل

یتیمه مسلم بن عقیل

فی زباله خبر مسلم سمعته اصحاب الحسین
صاحوا الفگده یویلی واسبلوا دمعة العین
جا أبو الیمه الرؤف الخیمة اعیاله دخل
نادی بت مسلم حمیده او شافها اودمعه انهمل
بیده یمسح راسها او یذكر الحید البطل
شافته او نادت یعمی وین ابویه راح وین
گلها بوچ آنا یعمی او هذی کلها اعموتچ
کلها عندچ یاعزیزه لا تخافی ذلتچ
لا اتهیجینی یعمی مقدر اسمع صرختچ
او صارت الضججه بزباله الفگد مسلم والحنین
وأما بت الحسین سکنه ما أحد لیها حصل
ایسکن الروعه او یسلیها او یمنیها الأمل
غیر شمر ابسوطه لوعها اورکبها جمل
او ضلت اتنخی ببوها ترضی بویه یا حسین

الانصار

صفوة الله اتسابگوا للحرب في نصرة الدين
حتى طاحوا كل فرد منهم على الغبرا طعين
هوو فوگ الأرض هذا وريده يا وسفه انگطع
او هذا برماح او سيوف احجار جسمه منصدع
او هذ إيدينه گطيعه من على مهره وگع
طاح فوگ الأرض مرمي وارتفع منه الونين
هذي انصار الحميه جدلوهم بالتراب
على الوطيه أمسوا ضحايا ما أحد ذاگ الشراب
والسبط هلت دموعه وصاح بيهم يا حباب
گوموا حاموا عن بنات المصطفى طه الأمين
حگ عليكم يا نصار الله گضيتوه ابشروا
ابجنة الفردوس يوم الحشر بيها اتباشروا
ليتكم تنهضوا الساعه وللأعادي تنظروا
اشلون حاطت بالخيم وتصيح وينك يا حسين

الحربن يزید الریاحی

یا هو حر مثلك یحر ایوم عرصات الطفوف
أبو الیمه حسین واگف یندبك دمعہ ذروف
لیك اهنی ابها لشهادہ الفزت بیها ابکربلا
مثل عالی صرت بیها بین أحرار الملا
فزت فی الدنیا ابسعادہ او بالحشر جنۃ علا
والبکا اعلیک ابمثوبہ یحوزها کلب اللہوف
یاوسافہ تبگی عاری علی الغبرا ابلا کفن
او ضل یوسفہ فی ثراها جسمک او فوگہ سفن
مت ظامی یا عزیز حسین فی ضرب او طعن
او جسمک المطروح عاری ضل ما بین الصفوف
إلک أسوہ بالشہید احسین ما حد غسلہ
ضل ثلثیام عاری حسین ما بین الملا
اجنازتہ ضلت رمیہ بین گومہ امعطلہ
بالأعوجیہ رضضوہ وبالهنادی او بالسیوف

حبيب ابن مظاهر

يا حبيب الناصر انت للوحيد ابكر بلا
لا تغصر في نصرته إنت راعي المرجله
زينب اتحشمه ابهذا والدمع منها جرا
عن اعيال احسين حامو قبل تمشي اميسره
غال ليها أمر هذا ايصير الله كدره
صبري يا زينب يكلها والمدامع هامله
او رد الى حسين النفل يطلب الرخصه اودمعه
على خدوده جرت يذكر يويلي امصيبته
برز للميدان والله ما رجف من هيته
وبحسامه على الغبرا كم عجيد جد له
طاح ذاك الليث ظامي على الغبرا بلا ذنب
يهتف ابلحسين او جاله والدمع منه يصب
شافه امخضب ابدمه امغفرينه بالترب
بان في وجهه انكسار او گام دمعه سايله

العباس بن علي

والبطل عباس حامي الظعن شيال العلم
مجمع الراي او عميد الجيش خواض الإزم
گمر هاشم ذخر حيدر لبو اليمه بالطفوف
من ركب للحرب فرت بين ايديه كل الصفوف
ما رجف غلبه ولكن كطعوا منه الكفوف
ونفطر راسه ابعامود او وگع منه العلم
طاح فوگ الأرض داک الطود راعي المرجله
يهتف ابلحسين او دمه اتخضبت بيه الفلا
جاء ابو اليمه او شافه والمدامع سايله
او صاح خويه انكسر ظهري من يباري للحرم
خويه هذا العلم گلي من يشيله للحرب
إنت نوري يا عضيدي إنت روعي والغلب
بعد عينك يا عزيزي الحرم تمشي اوي الغريب
طود عزنا يبو فاضل إنت يا وسفه انهدم

القاسم بن الحسن

والشباب ابن الحسن بالطف صارت زفته
بالرماح او بالسيف الغوم طروا هامته
وگع فوگ الأرض يندب عمه احسين الشهيد
جاله او شافه رميه امعفر ابجر الصعيد
وانحنى فوگه او نادى يابن اخويه يا شهيد
بالعزيز اعليه يا جاسم او سالت دمعته
حاله وي الجاسم اتصدع الصخر الأصم
ضل عليه اينوح او ينظر راسه ابسيف انجسم
يا عزيزي او نور عيني من بعدكم للحرم
جابه للخيمه على صدره اشحال أمه شافته
ولولت يا بني او وگعت فوگ هاذاك الشباب
مو وگت نومتك يابني فوگ حرات التراب
للعرس زفتك يا بني اسيوف ونبال اوحراب
إنت ذخري گوم ليه الموت ما هي ساعته

علي بن الحسين الأكبر

يا علي بن احسين الاكبر يا شبيه المصطفى
آية الله في عباده إنت عنوان الوفا
أشبهت حمزه اباسك وبالشجاعه المرتضى
ذكرت الاعداء ابجدا في حرب يوم مضى
كم عجيدٍ خر طايح من ضرب سيفك كُضى
لكن الأُكُدار خانت والُدهر ما له وفا
طاح ذاك البطل يهوى أسف ما بين الصفوف
شبك مهره او بيه توسط بين إرماح اوسيوف
او حملت عليه فرد حمله كل هذيك الألوف
وزعو جسمه يويلي والعدو منه اشتفى
نادى يا بويه ادركني جاه يجري دمعته
اُكطعت كُلبى ينادى او شال بيده اجنازته
او نادى يهل الخيم گوموا للشباب او زفته
او طلعت النسوه تنادى او صاح على الدنيا العفا

وداع الحسين لأهل بيته

الله يا ساعة اوداع احسين لاطفاله او هله
ساعه گشرا ما مثلها جرت في كل الملا
يوم صاح احسين يا زينب يكلثم يا رباب
يا سكينه يا رگيه يا أهل بيتي الانجاب
اوداعة الله يحفظ الله او جرت عينه بانتحاب
يا أهل بيتي استعدوا بعد عيني للبلأ
صاحت النسوه دردنا يا ولينه للوطن
گبل ما تنذبح ظامی يا عزيز المؤتمن
او نادت اسكينه يبويه والدمع منها هتن
گال لا تحرگي افادي بالبکا یمدالله
او گال يا زينب اوصي بالیتاما والاطفال
لا يضيعو بعد عيني باليسر بين الانذال
احفظيهم يا مصونه اتفگدي حال العيال
والعليل ابني يوسفه ما عن البلوى سلا

مصرع الحسين

والشهيد احسين سبعين الف وسفه حاطته
ماله امحامي ولا ناصر ايشد الصولته
التمو اعليه اربع افرگ فرگه برماح او سيوف
اعليه ترمی فرگه اوفرگه بالحجاره اوحتوف
هدف صار احسين بالميدان ما بين الألوف
او صار جسمه ويل گلبي ما تعد اجراحته
وگف بالميدان او صكه الحجر في جسمه اوجره
دمه او جاء السهم للگلب وسفه فطره
وانگلب فخر الهدايه من جواده على الثرا
ارتجت الأكوان كلها على احسين او غربته
ضل نايم في ثراها تصهره شمس الهجير
طاح ظامي الكبد وسفه في ثرا الغبرا عفير
آه على احسين الشفيه ما له امحامي او نصير
غير الاعداء آل أميه بالهنادي گصدته

مقتل الشهيد

والله صبر احسين ما حد حمل مثله من البشر
فوك صدره الشمر بارك منه ايحز النحر
ايگول له سگنى اميه والدمع منه يسيل
بالعطش گلبى اتلظى والبدن منى نحيل
ما سگاه او حز راسه او شاله ابرمح طويل
كبر او كبر العسكر اونخسف ذاك الغمر
أظلمت الاكوان لاجله او هبت ارياح الخسوف
ونذبح الحسين ظامى او ضل عارى بالطفوف
جسمه اموزع يويلي بالهنادي والسيوف
ضل ثلثيام مرمي گبر ما حد له حفر
يا شهيد امه محمد يا غريب ابكر بلا
لاجلك الأملاك ناحت والسموات العلا
جسمك السامى رمية ييگى ما حد غسله
مصبيتك أعظم مصيبه فطرت حتى الصخر

رأس الحسين على رأس الرمح

راس السبط فوگ الرمح بالنور شعاع
يتلو كتاب الله او منه الدمع هماع
صدت اله أم المصايب ناظره ابعين
شافت ايلوح على الرمح صفغت باليدين
راس الولي هذا او حامي حوزة الدين
نادت او منها الغلب صار انصاف او رباع
يا گمر عزنا غالتة الأغدار بخسوف
حامي حمانا او سور نا وعمود السجوف
جابوا لنا الهزل بعد عينك والعجوف
او راحت نساكم باليسر حسرى بلا اگناع
والله يخويه ما خطر بالوهم والبال
تجري علينا بعد عينك هذي الاحوال
هذا سلب برگع او هذا نهب خلخال
من گوم اميه ولا لفانا اليوم فزاع

خیل الأعوجیة

وسفه عزیز المرتضى خیر الوصیین
یگى على الغبرا رمیه ابغیر تکفین
زینب الحورا شافت احسین الشفیه
مرمی بلا تجهیز بارض الغاضریه
نادت ابعالی الصوت وین اهل الحمیه
ایشوفوا عزیز المصطفی من غیر تکفین
بن سعد نادى من سمع صوت الحزینہ
بالأعوجیه اولا اختشى خوان دینہ
ساعه اولن بالخیل صدره امراضینہ
وسفه او لا خلّت بگیه من الجنبین
صاحت ابعالی الصوت زینب والدمع سال
یهلی العزیز احسین یگى فوگ الرمال
وتدوس فوگه الخیل او راسه ابراس عسال
وعیالکم راحت یسر فوگ البعارین

هجوم الخيل

بس ما وگع سبط النبي فوگ الوطيه
هجمت الأعدا في خدور الهاشميه
هجمت على اخدور الفواطم خيل ورجال
فرهود صاحوا روعو النسوه والاطفال
هذا سلب برگع او هذا نهب خلخال
وتفارت الايتام بارض الغاضريه
او نادى الرجس يا گوم حرگوا اخيام الحسين
او غارت بني اميه او حرگت للصياوين
سبوا او نهبوا سلبوا كل الخواتين
والسوط يتلوى عليهم كالحنيه
يا هي مصيبه هونت كل الرزايا
نسوه ارامل ضايعه راحت سبايا
وتشوف كافلها واهل بيته ضحايا
والفراگ اهلها اتنوح نوح الراعيه

العليل السجاد

ومصيبة السجاد منها ذاب الفاد
مطروح في الخيمه على الغبرا بلا اوساد
دارت عليه الغوم هذا يگول گتلوه
باگی البگیه باخوته وهله دلحگوه
والي الحرم هذا ولا غيره دخلوه
دارت على السجاد يا حيدر الأوغاد
جر النطع من تحته او ذبه على التراب
واضحى رمية على الوطيه نسل الانجاب
جت زينب اتعوده اتنادي ابدمع سكاب
فوگ المرض ذله او هظيمه يابن الامجاد
ايشوف الأرامل والیتاما اگبال عينه
تتلاوع امن الخوف تصرخ يا ولينه
ویشوف العزيز احسين مگطوعه ایدينه
والراس منه شا يلينه ابراس مباد

خطاب زينب ساعة السفر

حسرى بنات الهاشميه بارض الطفوف
تندب اهلها والدمع على الخد مذروف
زينب اتنادي والدمع على الخد همال
ويش البصر يحسين دنوا لينا الجمال
گوم العدى يردون ايركبوا كل العيال
وبنك علي امگيد او منه الراس مكشوف
مگدر افارگ جثة الوالي رميّه
روحوا او خلونني براضي الغاضريه
او الراس منه فوگ روس السمهريه
مگدر على افراگه ولا اعرف ركب العجوف
متحيّره يحسين في حالي او حالك
او حال اليتاما و الأرامل من اعيالك
او حال العليل المبتلى او جملة اطفالك
عنك اسافر وانتّه عاري ابحر الصيوف

عتاب زينب لأخيها العباس

يابوا الشيمه يا گمر هاشم او عدنان
عنك مشينا والظعن ساگته العدوان
بس مارحت يابو الفراسه والمراجل
ساگوا يخويه عيلتك من غير كافل
ابذله او هظيمه راحت اطفال او آرامل
باري ظعنھا گوم يا فارس الفرسان
أعتب عليك او دمتي بالخد سالت
بس ما طحت خويه العدى حولي انچالت
والخيام حرگوها العدى وافرهود صاحت
أعتب وشوفك طايح اموسد التربان
گوموا خوات احسين للوالي انشوفه
طايح على الرمضا او مگطوعه اكفوفه
وانغسل الوالي ابدمعات ذروفه
ماتنگطع طول الدهر واتفيض غدران

ساعة السفر

دنوا الهوازل للفقوا طم گوم الانذال
او ركبـت زينب جملة العيله والاطفال
ساروا ابهم من كربلا ابذله او هظيمه
صوت الحادي او مر على احسين ابـحريمه
شافوه مرمي اعلى الثرى حوله فظيمه
صاحوا يوالينه او دمع العين همال
شافوا حسين اوكل اهل بيته ضحايا
فوگ الثرى اجنايز رمية ابغير سايه
صاحوا ابصـيحه هد مت ركن الهدايه
تبگوا يهلنا بالثرا وحنـا على اجمال
ساگ الظعن عنكم مشينا ياهل الزود
هذا العدو ييري ظعننا وانتوا ارگود
في اوداعة الله يابنى حيدر المعدود
غصبن علينا عنكم انسافر ابها الحال

في الكوفة

طبت بنات المرتضى بلدة الكوفة
حسرى بلياً اقناع دمعها ذروفه
تندب ابوها المرتضى والدمع سايل
هذى بناتك يا علي من غير كافل
في بلدة الكوفة على ا ظهور الهوازل
وبنك علي امگيد ومهتوكه اسجوفه
والكان يتمنى گبل ينظر خيالي
ينظرني ابعينه ويتأوه لحالي
واخر علينا شامت ابذبحه الوالي
ينظر الينا وبالفرح صفگ اكفوفه
إحنا بناتك يا علي يمدیر الافلاك
انظر الينا باليسر في ولية اعداك
ابذله او هظيمه على الهزل ننعي وننخاك
گدامي راس حسين كلساعه اشوفه

دفن الأجساد

احسين الشهيد ابكر بلا جثته رميه
اجنازه يويلي امعطله فوگ الوطيه
ضلت ثلثيام مرميه بالوعار
ابلاي غسل من حولها جملة الأنصار
وينه الغيور المرتضى حيدر الكرار
الغسل السلطان في ابلاد الغصيه
زين العباد المبتلى شاهد ابينه
جسم الشهيد احسين الاعداء اموزعينه
في باريه لفه او شاله على ايدينه
او نزله في لحده او دمعاته جريه
هذا الجسد في باريه والراس في وين
راسه على راس الرمح طاف البلادين
اورد وارا أنصاره وهل بيته الميامين
او جهز ابو فاضل العباس الشفيه

فهرس المحتويات

شواهد واقعة الطف

٧	مجلس الوليد ووداع الحسين لجه
٨	وداع الحسين لجه
٩	خروج الحسين من مكة
١٠	نزول العساكر بكر بلا
١١	مسلم بن عقيل
١٢	هاني بن عروه
١٣	يتيمة مسلم بن عقيل
١٤	الانصار
١٥	الحر بن يزيد الرياحي
١٦	حبيب ابن مظاهر
١٧	العباس بن علي
١٨	القاسم بن الحسن
١٩	علي بن الحسين الأكبر
٢٠	وداع الحسين لأهل بيته
٢١	مصرع الحسين
٢٢	مقتل الشهيد

٣٤ شواهد واقعة الطف

٢٣	رأس الحسين على رأس الرمح
٢٤	خيل الأعوجية
٢٥	هجوم الخيل
٢٦	العليل السجاد
٢٧	خطاب زينب ساعة السفر
٢٨	عتاب زينب لأخيها العباس
٢٩	ساعة السفر
٣٠	في الكوفة
٣١	دفن الأجساد
٣٣	فهرس المحتويات